



15 FEB, 2024

Harga siling beras putih Madani RM30

Sinar Harian, Malaysia

HARGA SILING BERAS MADANI RM30

- Kerajaan akan memperkenalkan Beras Putih Malaysia Madani yang dijual pada harga siling RM30 bagi kimpit 10 kilogram (kg) berkuat kuasa 19 Februari ini. Ia dijangka berada di pasaran bermula 1 Mac 2024.
- Beras Madani tersebut adalah kategori tunggal bagi menggantikan beras putih tempatan (SST) yang dijual pada harga kawalan RM26 sekimpit 10kg dan beras putih import (SSI).
- Penetapan harga siling baharu itu yang sudah 18 tahun tidak dinaikkan antara lain bertujuan menjamin bekalan beras di pasaran dan menghentikan perbuatan membungkus semula beras tempatan kepada jenama yang lebih mahal untuk mengaut keuntungan.



Pengerusi Jawatankuasa Tangani Harga Makanan di bawah NACCOL, Datuk Syed Abu Hussin Hafiz Syed Abdul Fasal pada sidang akhbar pengumuman Beras Putih Malaysia Madani di Puchong, Selangor pada Rabu.

MUKA 2 & 3



15 FEB, 2024

Harga siling beras putih Madani RM30

Sinar Harian, Malaysia

Harga siling beras putih Madani RM30

Kerajaan lancar beras kategori tunggal ganti SST dan SSI bermula 19 Februari

Oleh IZWAN ROZLIN dan MUHAMMAD SHAMSUL ABD GHANI PUCHONG

Kerajaan memperkenalkan kategori tunggal bagi beras putih dikenali sebagai Beras Putih Malaysia Madani yang akan dijual pada harga RM30 bagi kampil 30 kilogram (kg). Pengerusi Task Force (Kluster Makanan), Majlis Tindakan Kos Sara Hidup (NACCOL), Datuk Syed Abu Hussin Hafiz Syed Abdul Fasal berkata, bermula 19 Februari ini tiada lagi kategori beras putih tempatan (SST) dan beras putih import (SSI).
"Penetapan harga siling tunggal untuk Beras Putih Malaysia Madani turut melibatkan beras 10 kilogram RM30, lima kilogram pada harga RM15.50 dan satu kilogram RM3.50.
"Keputusan ini diambil bagi menyelesaikan isu beras tempatan yang tiada di pasaran sekali gus menjawab kritikan orang ramai kerana terpaksa membeli beras pada harga yang mahal.
"Keputusan ini adalah hasil libat urus bersama pemegang taruh industri padi dan beras negara termasuk wakil Pertubuhan Persaudaraan Pesawah Malaysia (Pesawah) dan wakil pengilang padi beras.
"Hasil sesi libat urus tersebut telah dimaklumkan kepada Menteri Pertanian dan Keterjaminan Makanan, Datuk Seri Mohd



Mohamad Sabu (kanan) meninjau bekalan beras di pasaran pada tahun lalu. Kenaikan harga siling beras antara lain bagi menjamin bekalan mencukupi untuk keperluan rakyat.



Sabu serta Badan Kawal Selia Padi dan Beras dan cadangan itu telah dibawa kepada Perdana Menteri, Datuk Seri Anwar Ibrahim bagi menangani isu beras negara," katanya pada sidang akhbar di Baitul Husna Puchong pada Rabu.
Menurut Syed Hussin, Beras Putih Malaysia Madani hanya akan berada di pasaran bermula 1 Mac.
Beliau yang juga Ahli Parlimen Bukit Gantang berkata, pemain industri beras diberi tempoh 10 hari untuk mengubah pelabelan dan pembungkusan kampil beras bagi disesuaikan dengan ketetapan baharu itu.
"Semua jenis pembungkusan dan warna sedia ada di pasaran akan dibenar-



SYED HUSSIN

kan sehingga stok pengampitan di peringkat pemborong habis.
"Namun, pembungkusan Beras Putih Malaysia Madani akan diselaras menggunakan reka bentuk yang kini di peringkat lakaran.
"Ketetapan ini dibuat selepas mengambil kira tiada kenaikan harga beras putih selama 18 tahun," katanya.
Sebelum ini, harga kawalan beras putih Super Spesial Tempatan lima peratus (SST5) ialah RM2.60 sekilogram seperti termaktub dalam peruntukan Akta Kawalan Padi dan Beras 1994 (Akta 522). Namun, tiada harga kawalan bagi beras putih import.
Syed Abu Hussin memberitahu, penetapan harga siling Beras Putih Malaysia Madani itu juga muncul sebagai me-

HARGA SILING BERAS PUTIH MALAYSIA MADANI	
10 KILOGRAM.....	RM30
5 KILOGRAM.....	RM15.50
1 KILOGRAM.....	RM 3.50

HARGA SILING BERAS PUTIH TEMPATAN SEKARANG	
10 KILOGRAM.....	RM26
5 KILOGRAM.....	RM13
1 KILOGRAM.....	RM2.60

kanisme menektahkan tindakan memanipulasi bekalan beras putih tempatan.
Ini kerana, katanya, segelintir pengeluaran sebelum ini, dikenal pasti mencampurkan beras putih tempatan dengan kampil beras putih import, bertujuan meraih keuntungan lebih.
"Tindakan ini berpunca akibat tiada kawalan harga ditetapkan bagi bekalan beras putih import, menyebabkan harga barangan berkenaan sentiasa tinggi, selain didorong faktor lonjakan harga import akibat kenaikan harga beras global.
"Ia menyebabkan label beras putih tempatan akhirnya ditukar kepada beras putih import atau ia dicampur dan sebagainya, menyebabkan bekalannya sukar didapati di pasaran," katanya.
Pada 12 November lalu, Mohamad Sabu memberitahu kerajaan akan mengkaji cadangan menaikkan harga siling beras putih tempatan seperti yang dibangkitkan oleh Ketua Pengarah Badan Kawal Selia Padi dan Beras, Datuk Azman Mahmood.
Menurut Azman, harga siling beras putih wajar dinaikkan kepada RM3.20 sekilogram berbanding RM2.60.



15 FEB, 2024

Harga siling beras putih Madani RM30

Sinar Harian, Malaysia

SUMMARIES

HARGA SILING BERAS MADANI RM30

Kerajaan akan memperkenalkan Beras Putih Malaysia Madani yang dijual pada harga siling RM30 bagi kampil 10 kilogram (kg) berkuat kuasa 19 Februari ini. Ia dijangka berada di pasaran bermula 1 Mac 2024. Beras Madani tersebut adalah kategori tunggal bagi menggantikan beras putih tempatan (SST) yang dijual pada harga kawalan RM26 sekampil 10kg dan beras putih import (SSI).